

VENDIM
Nr. 460, datë 10.6.2020

**PËR MIRATIMIN E MARRËVESHJES, NDËRMJET QEVERISË SË
REPUBLIKËS SË SHQIPËRISË, PËRFAQËSUAR NGA KËSHILLI I MINISTRAVE
I REPUBLIKËS SË SHQIPËRISË, DHE QEVERISË SË KONFEDERATËS
ZVICERANE, PËRFAQËSUAR NGA SEKRETARIATI I SHTETIT PËR ÇËSHTJET
EKONOMIKE, LIDHUR ME OFRIMIN E NDIHMËS TEKNIKE DHE
FINANCIARE PËR PROJEKTIN “MENAXHIMI I MBETJEVE TË NGURTA NË
QARKUN E BERATIT”**

Në mbështetje të nenit 100 të Kushtetutës dhe të nenit 19, të ligjit nr. 43/2016, “Për marrëveshjet ndërkombëtare në Republikën e Shqipërisë”, me propozimin e ministrit të Infrastrukturës dhe Energjisë, Këshilli i Ministrave

VENDOSI:

Miratimin e marrëveshjes, ndërmjet qeverisë së Republikës së Shqipërisë, përfaqësuar nga Këshilli i Ministrave i Republikës së Shqipërisë, dhe qeverisë së Konfederatës Zvicerane, përfaqësuar nga Sekretariati i Shtetit për Çështjet Ekonomike, lidhur me ofrimin e ndihmës teknike dhe financiare për projektin “Menaxhimi i mbetjeve të ngurta në Qarkun e Beratit”, sipas tekstit që i bashkëlidhet këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama

MARRËVESHJE

NDËRMJET KONFEDERATËS ZVICERANE PËRFAQËSUAR NGA
SEKRETARIATI I SHTETIT PËR ÇËSHTJET EKONOMIKE I DEPARTAMENTIT
FEDERAL PËR ÇËSHTJET EKONOMIKE, ARSIMORE DHE KËRKIMORE
DHE QEVERISË SË REPUBLIKËS SË SHQIPËRISË PËRFAQËSUAR NGA
KËSHILLI I MINISTRAVE I REPUBLIKËS SË SHQIPËRISË MBI OFRIMIN E
NDIHMËS TEKNIKE DHE FINANCIARE PËR PROJEKTIN “MENAXHIMI I
MBETJEVE TË NGURTA NË QARKUN E BERATIT”

Konfederata Zvicerane dhe Qeveria e Republikës së Shqipërisë,

DUKE IU REFERUAR marrëveshjes kuadër ndërmjet Këshillit Federal Zviceran dhe Këshillit të Ministrave të Republikës së Shqipërisë, për bashkëpunimin Teknik, Financiar dhe Humanitar, lidhur dhe nënshkruar në Tiranë më 11 Maj 2007 dhe ratifikuar nga Parlamenti Shqiptar me Ligjin Nr. 9801, datë 13 shtator 2007,

ME DËSHIRËN për të përforcuar këto marrëdhënie miqësore dhe bashkëpunimin e frytshëm midis dy vendeve,

ME SYNIM nxitjen e zhvillimit të mëtejshëm ekonomik dhe shoqëror të Republikës së Shqipërisë,

DUKE NJOHUR përkushtimin e Qeverisë së Republikës së Shqipërisë për të vazhduar reformat në mënyrë që të krijojë një ekonomi tregu sipas kushteve demokratike, dhe për të ofruar një mjedis të shëndetshëm dhe të përshtatshëm ekologjikisht për brezat aktualë dhe të ardhshëm,

DUKE PRANUAR se programi është bazuar në objektivat e zhvillimit të sipërmarrjes dhe të sektorit privat, dhe të krijimit të vendeve të punës, të shprehura në Strategjinë Kombëtare për Zhvillim dhe Integrim 2015 – 2020 dhe Strategjinë Kombëtare të Menaxhimit të mbetjeve dhe Plan Veprimin 2012 – 2025,

DUKE MARRË NË KONSIDERATË ofrimin e ndihmës teknike dhe financiare për Projektin “Menaxhimi i mbetjeve të Ngurta në Qarkun e Beratit”

kanë rënë dakord si më poshtë:

Neni 1 Përkufizime

Në këtë projekt marrëveshje, përveç rasteve kur konteksti kërkon ndryshe, Termat në vijim kanë kuptimin si më poshtë:

- a. "Qeveria e Republikës së Shqipërisë" nënkupton Këshillin e Ministrave të Republikës së Shqipërisë, përfaqësuar nga Ministra e Mjedisit, Ministra e Transportit dhe Infrastrukturës dhe Ministria e Zhvillimit Urban;
- b. "Konfederata Zvicerane" nënkupton Qeverinë e Konfederatës Zvicerane (Këshillin Federal Zviceran), të përfaqësuar nga Sekretariati i Shtetit për Çështjet Ekonomike;
- c. "MM" nënkupton Ministrinë e Mjedisit të Republikës së Shqipërisë;
- d. "MTI" nënkupton Ministrinë e Transporteve dhe Infrastrukturës të Republikës së Shqipërisë;
- e. "MZHU" nënkupton Ministrinë e Zhvillimit Urban të Republikës së Shqipërisë;
- f. "SECO" nënkupton Sekretariatit e Shtetit për Çështjet Ekonomike të Konfederatës Zvicerane "SECO";
- g. "Palët Kontraktuese" nënkupton Qeverinë e Republikës së Shqipërisë dhe Konfederatës Zvicerane;
- h. "Marrëveshja Kuadër " nënkupton Marrëveshjen midis Këshillit Federal Zviceran dhe Këshillit të Ministrave të Republikës së Shqipërisë për Bashkëpunimin Teknik, Financiar dhe Humanitar lidhur dhe nënshkruar më 11 maj 2007 dhe e ratifikuar nga

Parlamenti Shqiptar me Ligjin Nr. 9801, datë 13 shtator 2007;

- i. "Projekti" nënkupton menaxhimin e mbetjeve të ngurta në Qarkun e Beratit;
- j. "Marrëveshja e Projektit" nënkupton këtë marrëveshje, e cila përcakton të drejtat dhe Detyrimet e Palëve Kontraktuese në lidhje me Projektin, në vijim referuar gjithashtu si MP;
- k. "NJKP" nënkupton Njësinë e Koordinimit të Projektit (NJKP) në Bashkinë e Beratit, përgjegjëse për të gjithë koordinimin e të gjitha veprimtarive administrative;
- l. "Konsulentët" nënkupton grupin e ekspertëve kombëtarë dhe ndërkombëtarë që kanë ekspertizë specifike në menaxhimin e mbetjeve të ngurta, ngritjen e kapaciteteve që do të ofrojnë shërbimet e këshillimit dhe ngritjes së kapaciteteve të nevojshme për të gjithë komponentët e projektit. Gjithashtu grupi është përgjegjës për zbatimin e Projektimit dhe Zbatimit të Masave Afat-Shkurtra;
- m. "Furnitori" nënkupton kontraktorin që do të ofrojë punimet dhe materialet për realizimin e masave afat-shkurtra;
- n. "Kontribut" nënkupton kontributin financiar të parimbursueshëm të lëvruar nga SECO sipas MP;
- o. "Politikat e Auditimit Financiar të SECO" nënkupton udhëzimet për auditime lidhur me projektet e financuara nga SECO;
- p. "Masat Afat-Shkurtra" nënkupton masat e marra në kuadër të Projektit që përqendrohen në prekshmëri të lartë dhe rritjen e ndërgjegjësimit mes vendimmarrësve dhe qytetarëve të Qarkut të Beratit. Masat mund të përfshijnë blerjen e pajisjeve për mbetjet e vogla, si kazanët ndarës, kontenierët, pajisjet e riciklimit ose uniformat e nëpunësve civilë, si dhe masat e veçanta për rehabilitimin mjedisor; dhe
- q. "TVSH" nënkupton taksën mbi vlerën e shtuar.

Neni 2 Objektivi dhe Qëllimi i Projektit

2.1 Objektivi i përgjithshëm i projektit është të përmirësojë cilësinë, besueshmërinë dhe qëndrueshmërinë e shërbimeve të menaxhimit të mbetjeve në Qarkun/Rajonin e Beratit dhe të reduktojë ndikimin negativ në mjedis e mbetjeve të prodhuara. Projekti do të nxisë ndërgjegjësimin e vendimmarrësve politik, nëpunësve civilë dhe publikut për çështjet e menaxhimit të mbetjeve të ngurta dhe mbështetjen për zbatimin e legjislacionit përkatës. Projekti do të zhvillojë kapacitetet e përgjithshme të autoriteteve publike për menaxhimin e mbetjeve të ngurta, por në veçanti do të nxisë aftësitë për hartimin e politikave dhe skemave të financimit për përmirësimin e shërbimeve. Projekti do të hedhë bazat për investimet e ardhshme të qëndrueshme infrastrukturore.

Ndikimi i parashikuar i Projektit mund të përshkruhet si më poshtë:

231,163 qytetarë të rajonit të Beratit do të jetojnë në Bashki të pastra dhe me kushte të përmirësuara higjienike, do të shijojnë përmirësimin e cilësisë së jetesës, shëndetit dhe rritjen e veprimtarive të biznesit. Për referencë është bashkëngjitur një kuadër logjik në shtojcën 2 të MP.

Projekti përfshin katër komponentë:

- 1) Mbështetjen për Zhvillimit Institucional dhe të Kapaciteteve,
- 2) Rishikimin e Planit Rajonal për Menaxhimin e Mbetjeve dhe përgatitjen e Studimit të Fizibilitetit që synon Masat e ardhshme Rajonale të Investimit,
- 3) Rritja e Ndërgjegjësimit dhe Informimi i Publikut,
- 4) Hartimi dhe Zbatimi i Masave Afat Shkurtra.

Një përshkrim i detajuar është bashkëngjitur në Shtojcën 1. Plan i projektit është pasqyruar në Shtojcën 3.

2.2 Progresi i projektit do të monitorohet duke krijuar një bazë matëse bazuar në veprimtaritë e menaxhimit të mbetjeve të ngurta të bashkive me treguesit përkatës.

2.3 Projekti hedh bazat për t'u ndjekur nga një projekt i II-të i mundshëm, përqendruar në zbatimin e Planit për Menaxhimin e Mbetjeve të Ngurta të Qarkut (bazuar në studimin e fizibilitetit për Masat e Investimeve Rajonale të përpunuar në hapin e parë). Projekti i mundshëm II do të përfshijë njëkohësisht, realizimin e Masave të Investimeve në Qark si, stacionet e transferimit, mjetet e transportit, impiantet e trajtimit apo landfilli higjienik, si dhe mbështetjen institucionale për veprimtarinë e qëndrueshme të impianteve. Projekti i mundshëm II nuk është temë e kësaj MP-je.

Neni 3 Shuma dhe Përdorimi i Kontributit

3.1 SECO bie dakord të vërë në dispozicion një Kontribut të parimbursueshëm në vlerën maksimale prej 2'200'000 CHF (dy milion e dyqind mijë franga zvicerane) për zbatimin e Projektit. Për Referencë, buxheti është bashkëngjitur në Shtojcën 4.

3.2 Kontributi është në varësi të miratimit të lëvrimit të kreditit vjetor për SECO-n nga Parlamenti Federal i Zvicrës.

3.3 Bashkitë Berat, Kuçovë, Ura Vajgurore, Poliçan dhe Skrapar do të kontribuojnë në total 200'000 CHF (dyqind mijë franga zvicerane).

3.4 Ndarja e kontributit prej 200'000 CHF (dyqind mijë franga zvicerane) të bashkive Berat, Kuçovë, Ura Vajgurore, Poliçan dhe Skrapar bazohet në numrin aktual të banorëve në këto bashki 231,136¹:

Bashkia	Banorë	Kontributi Financiar
Berat	99,231	CHF 86'000
Kuçovë	55,536	CHF 48'000
Ura Vajgurore	39,819	CHF 34'500
Poliçan	18,146	CHF 15'500
Skrapar	18,431	CHF 16'000

3.5 Kontributi financiar i bashkive Berat, Kuçovë, Ura Vajgurore, Poliçan dhe Skrapar do të përdoret për Masat Afat Shkurtra në juridiksionet e tyre bashkiake.

¹ Sipas Drejtorisë së Përgjithshme të Gjendjes Civile në lidhje me listen e numrit të popullsisë, datë 01.01.2016.

3.6 Fondet e emergjencës, përcaktuar në Shtojcën 4, do të përdoren në rast të shpenzimeve të paparashikuara që mund të lindin gjatë zbatimit të projektit dhe për veprimtari të lidhura me Projektin që konsiderohen të domosdoshme nga SECO për zbatimin e suksesshëm të Projektit. Vendimi për përdorimin e zërit të fondeve të emergjencës merret nën gjykimin e plotë të SECO-s.

3.7 Asnjë e ardhur nga Kontributi nuk përdoret për veprimtari të tjera përveç atyre të parashikuara në Projekt.

3.8 Asnjë e ardhur nga Kontributi nuk përdoret për pagesa të detyrimeve apo tatimeve si TVSH, detyrime doganore dhe tarifa importi, të përcaktuara sipas legjislacionit të Republikës së Shqipërisë ose entiteteve në varësi të Shtetit.

3.9 Pjesa e papërdorur e kontributit e mbetur pas përmbushjes së detyrimeve, përkatësisht pas përfundimit të MP-së sipas nenit 12 anulohet, përveç rasteve kur palët kontraktuese bien dakord për të vepruar ndryshe.

Neni 4 Kushtet e Kontributit

4.1 Angazhimi i MM, MTI, MZHU dhe Bashkive të Beratit, Kuçovës, Urës Vajgurore, Poliçanit dhe Skrapar është faktor kyç për suksesin e Projektit.

4.2 Projekti ka dy etapa:

Së pari, Studimi i Fizibilitetit për Masat Rajonale të Investimit në të ardhmen do të nisë vetëm kur Plani i Menaxhimit të Mbetjeve të Ngurta të jëtë përfunduar dhe të miratuar nga Këshilli i Qarkut Berat.

Së dyti, Masat Afat Shkurtra për çdo bashki do të zbatohen vetëm kur bashkitë përkatëse të kenë konfirmuar kontributin financiar përfundimtar sipas Nenit 3.3.

4.3 Nëse MP nuk përmban dispozita të veçanta që nuk janë parashikuar në Marrëveshjen Kuadër, dispozitat e Marrëveshjes Kuadër zbatohen plotësisht. Në veçanti, Qeveria e Republikës së Shqipërisë siguron kushtet e zbatimit të Projektit sipas nenit 4 të Marrëveshjes Kuadër.

4.4 Qeveria e Shqipërisë siguron menjëherë, dhe pa pengesa administrative, stafit ndërkombëtar të Konsulentit dhe Furnitorit dhe çdo ekspert tjetër të huaj të përfshirë në Projekt, vizat e nevojshme hyrëse pa pagesë, si dhe përjashtimin nga të gjitha detyrimet doganore, tatime apo detyrime të tjera të parashikuara në legjislacionin e Republikës së Shqipërisë apo të ndonjë institucioni në varësi të Shtetit, që lidhet me pagat, sendet personale dhe pajisjet e nevojshme për detyrat e tyre në këtë Projekt.

4.5 MTI lehtëson importimin e përkohshëm në dhe ri-eksportimin vijues nga Shqipëria të të gjitha pajisjeve të nevojshme në pronësi të Konsulentit, Furnitorit dhe të ekspertëve të tjerë të huaj që lidhen me ofrimin e shërbimeve të tyre.

4.6 Qeveria e Republikës së Shqipërisë ndërmerr të gjitha veprimet e nevojshme për të siguruar akses të plotë dhe të shpejtë për personat e përfshirë në këtë Projekt në informacionin teknik dhe institucional të nevojshëm.

4.7 Për të siguruar bërjen publike të Kontributit, të gjitha materialet e marrëdhënieve me publikun dhe të gjitha dokumentet e përgatitura në kuadër të Projektit duhet të përmendin faktin se Projektin është financuar nga Konfederata Zvicerane dhe të shfaqin logon e Konfederatës Zvicerane.

4.8 MTI mundëson buxhetin e nevojshëm për të garantuar rimbursimin e shpenzimeve të Projektit të lidhura me TVSH-në në një vlerë të përafërt prej 400'000 CHF (katërqind mijë franga zvicerane) gjatë zbatimit të projektit, që pritet në periudhën 2017-2019.

Neni 5 Organizimi i Projektit dhe Përgjegjësia

Roli i MM, MTI dhe MZHU

5.1 MM, MTI dhe MZHU ndërmarrin të gjitha veprimet e nevojshme për të lehtësuar zbatimin e Projektit; bashkërenduar partnerët zbatues me autoritetet qeveritare të përfshira në veprimtaritë e Projektit; ofruar akses në informacione të rëndësishme, përfshirë të dhëna statistikore që konsiderohen të nevojshme dhe të dobishme për arritjen e objektivave të Projektit. Informacioni përdoret vetëm për qëllimet e Projektit. Çdo përdorim tjetër merr pëlqimin paraprak me shkrim të MM, MTI dhe MZHU.

Roli i Bashkive dhe Administratës së Qarkut të Beratit

5.2.1 Partnerët e drejtpërdrejtë të Projektit, ose ndryshe agjencitë e zbatimit të Projektit janë pesë bashkitë e Beratit, Skraparit, Kuçovës, Poliçanit dhe Urës Vajgurore, të cilat kanë përgjegjësi të drejtpërdrejtë për menaxhimin e mbetjeve të ngurta në territorin e bashkisë përkatëse dhe për zbatimin e Projektit. Bashkitë ndërmarrin ose nxisin ndërmarrjen e të gjitha veprime të nevojshme për të krijuar një mjedis të favorshëm për përforcimin e Projektit.

5.2.2 Bashkitë duket të sigurojnë që nëpunësit civil që janë përgjegjës për menaxhimin e mbetjeve të ngurta në administratën e Bashkisë të jenë të gatshëm të marrin pjesë në Projekt dhe të përmbushin detyrat që rrjedhin nga Projekti brenda afateve të caktuara.

5.2.3 Në Bashkinë e Beratit ngrihet një NJKP për bashkërendimin e të gjitha veprimtaritë administrative të Projektit.

5.2.4 Në nivel Qarku, Projekti bashkëpunon me administratën e Qarkut të Beratit, veçanërisht për diskutim dhe vendimmarrje në lidhje konceptet rajonale dhe Masave për Investimet Rajonale.

Roli i Konsulentit

5.3.1 Pas përfundimit të procesit të tenderimit, Konfederata Zvicerane përcakton Konsulentin për Projektin dhe lidh me të kontratën përkatëse për zbatim. Konsulenti është përgjegjës për zbatimin e Projektit dhe merr përsipër të gjitha detyrat administrative dhe mbikëqyrëse të Projektit, përfshirë monitorimin dhe raportimin.

5.3.2 Konsulenti do të punojë nga afër me Bashkitë e Beratit, Skraparit, Kuçovës, Poliçanit dhe Urës Vajgurore, shoqërinë civile dhe sektorin privat.

5.3.3 Krijohet një grup pune i Projektit, i përbërë nga ekspertë teknikë nga të pesë bashkitë për të përgatitur vendimet teknike dhe politike, bashkërendimin dhe komunikimin e veprimtarive operacionale të Projektit.

Roli i SECO

5.4 SECO është autoriteti përgjegjës në emër të Konfederatës Zvicerane dhe:

- ofron Kontribut të pa-rimbursueshëm sipas përcaktimeve të Nenit 3;
- monitoron përmbushjen e etapave të Projektit;
- kontraktin Konsulentin për zbatimin e Projektit;
- kontraktin Furnitorin(ët) e Projektit, financuar nga kontributi Zviceran;
- kryen në kohë pagesat për Konsulentin dhe Furnitorin(ët) e Projektit, pas miratimit me shkrim të palëve përgjegjëse sipas parashikimeve të Nenit 6.

Roli i Ambasadës Zvicerane

5.5 Ambasada Zvicerane përfaqëson SECO-n në Projekt dhe:

- mbikëqyr Projektin dhe ndjek nga afër zhvillimet në sektorin e menaxhimit të mbetjeve të ngurta;
- përfaqëson SECO-n në Komitetin Drejtues.

Komiteti Drejtues

5.6 Komiteti Drejtues, i përbërë nga Kryetari i Qarkut Berat, kryetarët e pesë bashkive apo nën kryetarët e pesë bashkive, dhe një përfaqësues nga MTI, MM, MZHU dhe Ambasada e Zvicrës në Tiranë, të mbështetur nga menaxheri i programit të SECO, ofron orientim strategjik dhe mbështetje për zbatimin me sukses të veprimtarive të Projektit dhe arritjen e rezultateve të pritshme, si dhe të siguron transparencë dhe mbështet pronësinë e palëve të interesuara.

Neni 6 Prokurimi dhe Kontratat

6.1 Prokurimet lidhur me kontributin e SECO-s

6.1.1 Prokurimi për Konsulentin do të realizohet nga SECO në përputhje me të drejtën zvicerane për tenderimin me procedurë të hapur. Kontrata e Konsulentit do të lidhet midis SECO-s dhe Konsulentit. Bashkitë e Beratit, Skraparit, Kuçovës, Poliçanit dhe Urës Vajgurore do të konsultohen në lidhje me Termat e Referencës për Konsulentin. Pagesa e Konsulentit kryhet drejtpërsëdrejti nga SECO. SECO miraton drejtpërsëdrejti faturat dhe lëvron pagesat.

6.1.2 Prokurimi për Masat Afat Shkurtra bëhet nga SECO në përputhje me të drejtën zvicerane për tenderimin me procedurë të hapur. Kontratat do të lidhen mes SECO-s dhe Furnitorit(ëve). Bashkitë e përfshira kanë klauzolën e mos-kundërshtimit në Termat e Referencës për Furnitorin(ët). Furnitorët paguhën drejtpërsëdrejti nga SECO pas marrjes së miratimit me shkrim nga Konsulenti.

6.2 Prokurimi në lidhje me kontributet e Bashkive Berat, Kuçovë, Ura Vajgurore, Poliçan dhe Skrapar

6.2.1 Masat Afat Shkurtra që drejtohen vetëm tek bashkitë e veçanta prokurohen nga bashkia përkatëse në përputhje me rregullat shqiptare për tenderim me procedurë të hapur. Kontrata do të lidhet ndërmjet bashkisë përkatëse dhe Furnitorit(ëve). Konsulenti shqyrton dhe komenton Termat e Referencës për Furnitorin(ët). SECO ka të drejtën e mos-kundërshtisë në lidhje me nënshkrimin e kontratës dhe ndryshimet e saj. Furnitori(ët) paguhën drejtpërdrejtë nga bashkitë.

6.2.2 Për kontratat e punimeve dhe mallrave për Masat Afat Shkurtra nën 50.000 CHF që lidhen vetëm me një bashki, mund të aplikohet procedura e ftesës për tenderim ose procedura direkte. Kontrata lidhet ndërmjet bashkisë përkatëse dhe Furnitorit(ëve). Kontrata që lidhet ndërmjet bashkisë përkatëse dhe Furnitorit(ëve) është në përputhje me rregullat shqiptare. Konsulenti shqyrton dhe komenton Termat e Referencës për Furnitorin(ët). SECO ka të drejtën e mos-kundërshtisë në lidhje me nënshkrimin e kontratës dhe ndryshimet e saj. Furnitori(ët) paguhën drejtpërdrejtë nga bashkitë.

6.3 Klauzolat e përgjithshme të Prokurimit

6.3.1 Procedurat e apelimit (përkatësisht Ligji Federal Zviceran për Prokurimin Publik APP & Urdhëresa për Prokurimin Publik OPP) nuk zbatohen. E drejta për kompensim përjashtohet.

6.3.2 Gjatë kohëzgjatjes së Projektit, të mirat e siguruara me fondet e SECO-s në përdorim të Projektit qëndrojnë në dispozicion të pakufizuar të Projektit dhe nuk duhet të përdoren për qëllime të tjera jashtë Projektit pa miratimin paraprak me shkrim të SECO-s.

6.3.3 Nëse për ndonjë arsye Projekti ndërpritet, përdorimi i të mirave siguruar me kontributin zviceran do të menaxhohet sipas vendimeve të SECO-s. Në përfundim të Projektit, SECO vendos për pronësinë dhe përdorimin e të mirave që janë prokuruar për Projektin.

6.4 Auditimi Financiar dhe Vlerësimi i Projektit

6.4.1 Audituesit financiar kontraktohen nga SECO. Kontrata lidhet midis SECO-s dhe audituesve të zgjedhur. SECO miraton drejtpërsëdrejti faturat dhe pagesat. Për auditin financiar të jashtëm është parashikuar një buxhet prej 20.000 CHF.

6.4.2 Nëse është e nevojshme, në përfundim të Projektit, SECO do të caktojë ekspertë për të kryer një studim vlerësues. Kontrata për vlerësimin fakultativ prokurohet nga SECO në përputhje me udhëzimet për prokurimet të SECO-s. Kontrata lidhet midis SECO-s dhe ekspertëve të përzgjedhur. Faturat dhe pagesat miratohen drejtpërsëdrejti nga SECO. Buxheti i parashikuar për studimin e vlerësimit fakultativ në përfundim të Projektit është 50.000 CHF.

Neni 7 Zbatimi i Projektit

7.1 Në përputhje me parimin udhëheqës të Projektit, pjesëtarët e të gjitha organeve të përfshira gjithmonë përpiqen të veprojnë në frymën e bashkëpunimit dhe marrin vendime në konsensus. Nëse dhe kur lind nevoja, Palët Kontraktuese me kërkesë të Palëve:

- (a) shkëmbejnë këndvështrimet më lidhje me përmbushjen e detyrimeve përkatëse sipas MP-së, administrimin e Kontributit dhe veprimet e financuara nga Kontributi;
- (b) i mundësojnë Palës tjetër Kontraktuese informacionin e kërkuar në mënyrë të arsyeshme për ekzekutimin e Kontributit dhe veprimtarive të financuara nga Kontributi.

7.2 Palët Kontraktuese informojnë menjëherë njëra-tjetrën për çdo rrethanë që ndërhyr apo kërcënon të ndërhyjë në arritjen e qëllimit të Kontributit ose në performancën dhe detyrimet e secilit prej tyre sipas MP-së.

7.3 Secila nga Palët Kontraktuese ruan të dhëna dhe procesverbale në lidhje me zbatimin e Projektit dhe përdorimit të Kontributit. Ato gjithashtu ruajnë të gjithë dokumentacionin në lidhje me MP-në dhe zbatimin e saj për dhjetë vjet pas përfundimit të Projektit.

7.4 Në përfundim të Projektit ndërmerret auditimi financiar në përputhje me Politikën e Auditimit Financiar të SECO. (shih nenin 6.4).

7.5 SECO mund të organizojë misione shqyrtimi në çdo kohë, për të siguruar zbatimin efikas të Projektit dhe përdorimin e Kontributit dhe gjithashtu realizimin e objektivave të tij.

7.6 Pas përfundimit të Projektit, por jo më vonë se katër muaj pas përmbylljes së MP-së, NJKP-ja i dorëzon SECO-s një raport me fushëveprim dhe detaje bazuar në kërkesat e arsyeshme të SECO-s në lidhje me ekzekutimin e Projektit dhe përmbushjen e qëllimit të Kontributit.

Neni 8**Klauzola Anti-korrupsion**

Palët Kontraktuese ndajnë të njëjtin shqetësim në luftën kundër korrupsionit, i cili vë në rrezik qeverisjen e mirë dhe përdorimin e duhur të burimeve të nevojshme për zhvillim, dhe për më tepër rrezikon konkurrencën e drejtë dhe të hapur të bazuar në çmim dhe cilësi. Si rrjedhojë, ato deklarojnë qëllimin e tyre për të bashkuar përpjekjet e tyre për të luftuar korrupsionin, dhe në veçanti deklarojnë që çdo ofertë, dhuratë, pagesë, shpërblim apo përfitim i çdo lloji, i dhënë nga kushdo, drejtpërdrejt ose tërthorazi, me synimin për të marrë një mandat apo kontratë brenda kuadrit të MP-së, ose gjatë zbatimit të saj, do të përbëjë një veprim të paligjshëm ose praktikë korrupsioni. Çdo veprim i kësaj natyre përbën arsye të mjaftueshme për të justifikuar ndërprerjen e MP-së, prokurimit ose të lidhjes së kontratës që vjen si rrjedhojë, ose për të marrë ndonjë masë tjetër korrigjuese të parashikuar nga legjislacioni i zbatueshëm.

Palët duhet ta njoftojnë njëra-tjetrën menjëherë për ndonjë dyshim të mirë bazuar për korrupsion.

Neni 9**Bazat e Bashkëpunimit**

Respekti i parimeve demokratike dhe i të drejtave themelore të njeriut, specifikuar veçanti në Deklaratën Universale të të Drejtave të Njeriut është baza e politikave të brendshme të Palëve Kontraktuese dhe ai përfaqëson një element thelbësor po aq të rëndësishëm sa objektivat e MP-së.

Neni 10**Zgjidhja e Mosmarrëveshjeve**

Në rast të ndonjë mosmarrëveshje nga interpretimi apo zbatimi i dispozitave të MP-së, Palët Kontraktuese i zgjidhin ato nëpërmjet të negociatave diplomatike.

Neni 11**Modifikime ose Ndryshime, Shtojcat**

11.1 Çdo modifikim i apo ndryshim në MP-së i bërë nga Palët Kontraktuese të kësaj MP-je bëhet vetëm me shkrim dhe siç është rënë dakord me konsensus midis Palëve Kontraktuese.

11.2 Shtojcat e mëposhtme janë pjesë përbërëse e kësaj MP-je:

11.2.1. Shtojca 1: Përshkrimi i Projektit

11.2.2. Shtojca 2: Kuadri Logjik

11.2.3. Shtojca 3: Plan Projekti

11.2.4. Shtojca 4: Buxheti i Projektit

Neni 12**Hyrja në Fuqi dhe Përfundimi**

12.1 MP-ja hyn në fuqi pas nënshkrimit nga Palët dhe pasi të merret njoftimi përkatës nga Këshilli i Ministrave i Republikës së Shqipërisë ku të shprehet se ka përmbushur të gjithë procedurat e brendshme ligjore të përcaktuara nga kuadri përkatës ligjor në fuqi. MP-ja mbetet në fuqi derisa të gjitha detyrimet e saj të jenë përmbushur, por jo më vonë se 31 dhjetor 2020.

12.2 Secila palë ka të drejtë të pezullojë ose të ndërpresë MP-në në çdo kohë, duke dhënë një njoftim me shkrim gjashtë muaj përpara. Pavarësisht nga sa më sipër, çdo njëra nga Palët, me njoftim me shkrim, mund të ndërpresë MP-në aktuale me efekt të menjëhershëm në rast të ndonjë shkelje domethënëse të MP-së. Shkelje domethënëse nënkupton çdo shkelje të rëndë të njërit prej objektivave të thelbësorë të MP-së apo shkelje e rëndë e detyrimeve të Palëve Kontraktuese.

12.3 Në rast të ndërprerjes së MP-së sipas Nenit 12, pika 2, dispozitat e MP-së vazhdojnë të zbatohen për të gjitha kontratat që janë në vazhdim në kohën e ndërprerjes së saj, derisa kontratat përkatëse të jenë përmbyllur.

Neni 13 Baza Ligjore

Marrëveshja Kuadër dhe Udhëzimet për Prokurimet të SECO janë pjesë përbërëse e MP-së. Në rast mospërputhje në përmbajtje MP-ja mbizotëron. E Drejta Nënligjore Zvicerane është e aplikueshme.

Neni 14 Gjuha

E gjithë korrespondenca me SECO-n përfshirë çdo lloj dokumenti, miratim faturash, raporte dhe dokumente të tjerë në lidhje me Projektin përpilohet në gjuhën angleze.

Neni 15 Përgjegjësitë

SECO nuk merr përsipër asnjë përgjegjësi apo detyrim për dëme, dëmtime apo rezultate të tjera të mundshme negative të shkaktuara nga Projekti, përfshirë por jo të kufizuara në mospërputhjet e planifikimit të Projektit apo Projekteve të tjera që mund të ndikojnë mbi të, apo të shkaktojnë pakënaqësi tek publiku.

Hartuar në Tiranë më 1 nëntor 2017 në shtatë kopje origjinale në gjuhën angleze dhe shqipe. Në rast mospërputhje në interpretimin apo zbatimin e dispozitave të kësaj MP-i, mbizotëron teksti në gjuhën angleze.

Në emër të Konfederatës Zvicerane


.....


Christoph Graf

Ambasador
Ambasada e Zvicrës në Shqipëri

Në emër të Qeverisë së Republikës së Shqipërisë


.....


Damian Gjijnuri

Ministër
Ministria e Infrastrukturës dhe Energjisë

Dëshmuar nga:

Për Bashkinë e Beratit


.....

Petrit Sinaj
Kryetar i Bashkisë

Për Bashkinë e Kuçovës


.....

Selfo Kapllani
Kryetar i Bashkisë

Për Bashkinë e Urës Vajgurore


.....


Juliana Memaj
Kryetare e Bashkisë

Për Bashkinë e Poliçanit

.....

Adriatik Zotkaj
Kryetar i Bashkisë

Për Bashkinë e Skraparit


.....

Nesim Spahiu
Kryetar i Bashkisë

Shtojca 1: Përshkrimi i Projektit

Objektivi

Projekti i Menaxhimit të Mbetjeve të Ngurta (MMN) do të kontribuojë në përmirësimin e cilësisë, sigurisë dhe qëndrueshmërisë së menaxhimit të shërbimeve të mbetjeve në qarkun e Beratit dhe do të reduktojë ndikimin mjedisor të mbetjeve të prodhuara. Do të nxisë ndërgjegjësimin e vendimmarrësve politikë, nëpunësve civilë dhe publikut në çështje të MMN-së dhe do të mbështesë zbatimin e rregullave përkatëse. Projekti do të zhvillojë aftësitë e përgjithshme të autoriteteve të MMN-së, por gjithashtu do të mbështesë aftësitë për hartimin e politikave dhe skemave të financimit për përmirësimin e shërbimeve.

Ndikimi i pritshëm i Projektit mund të përshkruhet si vijon: 231,163 qytetarët e qarkut të Beratit me kushtet e reja higjienike jetojnë në bashki me të pastra, shijojnë përmirësimin e cilësisë së jetesës, shëndetit dhe shtimin e veprimtarive të biznesit.

Veprimtaritë dhe rezultatet e pritura

Projekti nis me një fazë fillestare që do të mbulojë veprimtaritë e mëposhtme: Analiza e grupeve të interesit, analiza e gjendjes dhe diagnostikimi i sektorit të MMN-së, verifikimi i instrumenteve të monitorimit, përfshirë kuadrin logjik, përcaktimin e bazës fillestare dhe vlerave të synuara për treguesit matës dhe identifikimin e Masave Afat Shkurtra (në kuadrin e komponentit të 4-t).

Projekti ka katër komponentë:

1. Komponenti i parë: Mbështetja për zhvillimin institucional dhe ngritjen e kapaciteteve

Përmes komponentit 1, Qeverisjes së Qarkut të Beratit dhe bashkive do t'i mundësohet mbështetja e vazhdueshme për zhvillim institucional dhe ngritje kapacitetesh me qëllimin zhvillimin e kapaciteteve të nevojshme dhe për mundësimin e instrumenteve të përshtatshëm për zbatimin dhe operacionet e qëndrueshme të sistemit të ardhshëm të përmirësuar të MMN-së. Mbështetja institucionale do të përqendrohet së pari në zbatimin e masave organizative dhe financiare⁸ të konceptit MMN (shtjelluar në komponentin 2), paraqitjen e dhe trajnimin në lidhje me instrumentet përkatëse të monitorimit dhe zbatimin e strukturave dhe procedurave të përshtatshme për një MMN efikas në Qarkun e Beratit. Mbështetja për zhvillimin e kapaciteteve do të përqendrohet në realizimin e vlerësimit të nevojave për kapacitete, hartimin e strategjisë për zhvillimin e kapaciteteve dhe më pas zbatimin e masave specifike për zhvillimin të kapaciteteve.

Rezultati i komponentit 1: Sektori i MMN-së i Bashkisë dhe stafi i tyre do të jetë në gjendje të planifikojnë dhe të ofrojnë shërbime të përmirësuara dhe më të qëndrueshme të MMN-së në zonat aktuale dhe mundësisht në ato rurale.

2. Komponenti i dytë: Përgatitja e Planit Rajonal të MMN dhe studimi i fizibilitetit:

Objektivi i parë i komponentit 2 është hartimi i planit të MMN-së ku pasqyrohen të gjithë elementët e nevojshëm për ngritjen e një sistemi të integruar MMN në Qarkun e Beratit. Planit do të përfshijë veçanërisht kërkesat e përgjithshme për planet rajonale të

⁸ Planit i Biznesit për rajonin dhe çdo bashki duke përfshirë strategjinë për mbulimin e kostos.

përcaktuara nga legjislacioni shqiptar, konceptin organizativ dhe financiar të MMN-së për të gjithë Qarkun e Beratit dhe dhënie përparësi Masave afat-gjata për Investime Rajonale⁹ të nevojshme për zbatimin e planit. Gjatë hartimit të planit do të analizohet dhe përcaktohet roli i publikut dhe sektorit privat.

Pas miratimit me sukses të planit rajonal të MMN-së nga të pesë bashkitë, do të ndërmerret një Studim Fizibiliteti, që është edhe objektivi i dytë i komponentit 2. Studimi do të specifikojë dhe shqyrtojë Masat e Investimit Rajonal përcaktuar në Planin Rajonal për MMN-në për sa i përket mundësive teknike, ekonomike, mjedisore dhe sociale. Studimi i Fizibilitetit do të përgatiti këto produkte: (i) një projektim të detajuar teknik të masave të investimit, (ii) analizën e bazuar të kostove dhe modelimit të tarifave, skemës financiare, (iii) vlerësimin e ndikimit mjedisor dhe social, analizës së riskut, zbatimit dhe planit të monitorimit. (iv) Studimi i Fizibilitetit do të analizojë nevojën dhe shtrirjen e asistencës teknike për një zbatim të qëndrueshëm të masave të investimit. (v) Studimi i Fizibilitetit do të krijojë bazat për projektimin dhe zbatimin e një Projekti të mundshëm II në vazhdimësi ose Projekteve të financuara nga donatorë të tjerë.

Rezultati i komponentit 2: Përmirësimi i kushteve kuadër të shërbimeve të MMN-së: hartimi i politikave për MMN-në, miratohen politikat dhe krijohen kushtet për zbatim. Në Planin MMN përfshihen konsiderata dhe angazhime për integrimin në të ardhmen të sektorit jo-formal, pra Komunitetit Rom dhe grupeve të tjera etnike përfshirë në mbledhjen e mbetjeve, në sistemin e ardhshëm MMN.

3. Komponenti i tretë: Rritja e ndërgjegjësimit dhe Informimi i Publikut

Komponenti 3 lidhet me hartimin e strategjisë për rritjen e ndërgjegjësimit dhe informimit të publikut për të rrënjësuar një sjellje dhe qëndrim më miqësor ndaj mjedisit mes qytetarëve dhe vendim marrësve në bashki dhe për të përgatitur terrenin për zbatimin me sukses të Planit Rajonal MMN. Mbështetja e popullsisë për zhvillimin e sektorit MMN do të përforcohet përmes fushatave të ndërgjegjësimit të përshtatura për grupet e synuara kyçe. Informimi i vazhdueshëm i publikut për hartimin e Planit Rajonal të MMN, Studimin e Fizibilitetit (komponenti 2) dhe realizimin e Masave Afat Shkurtra (komponenti 4) do të stimulojë më tej popullatën dhe bashkitë të mbështesin proceset e ndryshimit.

Rezultati i Komponentit 3: Rrënjësohet sjellja miqësore ndaj ambientit dhe fillimi i ndryshimit të qëndrimit mes qytetarëve dhe vendimmarrësve të rajonit të Beratit.

4. Komponenti i katërt: Projektimi dhe zbatimi i Masave Afat Shkurta (Masat pa keqardhje):

Komponenti 4 lidhet me Masat Afat Shkurtra, identifikuar në fazën fillestare, dhe që do të hartohen dhe zbatohen në çdo bashki. Këto masa përqendrohen në prekmëri të lartë dhe mbështesin ndërgjegjësimin e vendim marrësve dhe qytetarëve. Ato mund të përfshijnë blerjen e pajisjeve të vogla për menaxhimin e mbetjeve si kazanë për ndarjen e mbetjeve, kontejnerë, pajisje riciklimi ose uniforma për nëpunësit civilë apo masa specifike për përmirësimin e mjedisit. Për shembull, rehabilitimi i pikave ekzistuese të depozitimit për mbrojtjen e mjedisit pranë lumenjve dhe paraqitjen e praktikave të

⁹ Të tilla si stacione transferimi, mjete transporti, impiante trajtimi dhe landfille higjienike.

kontrolluara të largimit. Zbatimi me sukses i Masave Afat Shkurtra do të evidentojë angazhimin dhe kapacitetin e bashkive për përmirësimin e mëtejshëm të shërbimeve për menaxhimin e mbetjeve (realizuar në një Projekt të dytë të mundshëm, përqendruar në zbatimin Masave për Investim Rajonal). Shërbimet në kuadrin e komponentit të katërt do të ofrohen nga furnitorë kombëtarë ose ndërkombëtarë, në varësi të natyrës dhe kërkesave të Masave Afat Shkurtra.

Rezultati i komponentit 4: Zbatimi i masave Afat Shkurtra mbështet reduktimin e dëmit mjedisor në Qarkun e Beratit dhe jep kontribut për zbatimin e Planit Rajonal për Menaxhimin e Mbetjeve të Ngurta.

Një Konsulent dhe ekipi i tij me ekspertizë të specializuar në MMN dhe zhvillimin e kapaciteteve, i përbërë nga ekspertë kombëtarë dhe ndërkombëtarë do të ofrojë shërbimet për të gjithë komponentët e Projektit.

Shtojca 2: Kuadri Logjik

(Kuadri Logjik është në fazë hartimi dhe do të përfundohet gjatë fazës fillestare. Versioni përfundimtar dhe çdo përditësim i Kuadrit Logjik janë subjekt miratimi nga Komiteti Drejtues)

Projekti i Manaxhimit të Mbetjeve të Ngurta Qarku Berat	Shqipëri	COO.2101.104.4.1280642
--	-----------------	-------------------------------

(Me shkrim të errët: Treguesit standard të SECO-s)

Strategjia e Ndërhyrjes	Treguesit Kyç të Performancës	Mjetet e Verifikimit	Faktorët e Jashtëm (Supozime/S / Risqe /R)
Ndikimi	Treguesit e ndikimit		
- 231,163 qytetarë të Qarkut të Beratit jetojnë në qytete dhe fshatra të pastra me kushte të përmirësuara higjienike, shijojnë përmirësimin e cilësisë së jetesës, shëndetit dhe vepërimitarive të biznesit.	- Perceptimi i qytetarëve për cilësinë e jetesës - Treguesit e shëndetit (për t'u përcaktuar) - Cilësia e ujërave të lumenjve Osum dhe Devoll - Investimet bashkiake për infrastrukturën publike	- Kënaqësia Konsumatore/marrje informacioni mbi perceptimin - Monitorimi i parametrave ujore të lumenjve - Mbështetja buxhetore bashkiake për menaxhimin e mbetjeve e ngurta	- S: zhvillimi i përgjithshëm i qëndrueshëm ekonomik, bazuar në parashikimin e FMN për rritjen e PPB në 4.5% deri në 2020, do të lejojë përmirësimin e mbulimit të kosos për investimet mjedisore nga popullsia - S: Vullnet politik dhe konsensus ndër partiak për miratimin e legjislationit të ri dhe reformës institucionale
Rezultati	Treguesit e rezultatit		
Komponenti 1: Mbështetje për Zhvillimin Institucional dhe të Kapaciteteve Sektorët bashkiakë dhe stafi i MMN-së janë në gjendje të planifikojnë dhe ofrojnë shërbime të përmirësuara dhe të qëndrueshme në zonat aktuale dhe të mundshme rurale.	- Aftësitë e nevojshme të stafit për të zbatuar Planin Rajonal të MMN - Përdorimi i instrumenteve aktuale dhe të reja për MMN - Miratimi i Plan Biznesit (Strategjia e mbulimit të shpenzimeve) - Mundësisht: numri i personave që do të kenë akses në shërbimet e përmirësuara të mbetjeve të ngurta - Mundësisht: Fusha e shërbimeve të Menaxhimit të mbetjeve të Ngurta	- Vlerësimi i nevojave për kapacitete - Strategji për Zhvillimin e Kapaciteteve - Pjesëmarrja e stafit në tryeza pune/trajtime - Të dhënat e mbledhura nga bashkitë - Raporte monitorimi - Statistika Bashkiake - Të dhëna gjeografike mbi mbledhjen e mbetjeve të ngurta	- S: Mbështetje bashkive për zbatimin e riorganizimit dhe përmirësimin të shërbimeve - S: Konfirmimi i disponueshmërisë për bashkë-financimin nga 5 bashkitë të Qarkut të Beratit

Strategjia e Ndërhyrjes	Treguesit Kyç të Performancës	Mjetet e Verifikimit	Faktorët e Jashtëm (Supozime/S / Risqe /R)
Komponenti 2: Hartimi i Planit për Menaxhimin e Mbetjeve të ngurta dhe Studimit të Fizibilitetit Përmirësimi i kushteve kuadër për shërbimet e MMN; hartimi dhe miratimi i politikave për shërbimin e MMN dhe përcaktimi i kushteve për zbatimin. Përfshirja në Planin MMN të konsideratave dhe angazhimeve për përfshirjen e sektorit jo-formal, pra Komunitetit Rom dhe grupeve të tjera etnike, të angazhuara në mbledhjen e mbetjeve. Studimi i fizibilitetit hedh bazat për financimin e Masave Rajonale të Investimit.	- Angazhimi i pesë bashkive në funksion të zbatimit të Planit Rajonal të MMN - Numri i masave, përmirësimeve, reformat organizative në funksion të zbatimit të Planit Rajonal - Shkalla e përfshirjes dhe kontributit të sektorit jo-formal në hartimin e Planit Rajonal të MMN - Shkalla e angazhimit të autoriteteve dhe grupeve të tjera të interesit për të integruar sektorin jo-formal në procesin e MMN-së në të ardhmen. - Krijimi i bazave konkrete për integrimin e sektorit jo-formal në MMN, të tilla si koncepte dhe burime për ngritjen e kapaciteteve, formimi i shoqatave dhe punësimit - Vlerësohen mundësitë e financimit për Masat e Investimeve Rajonale Përcaktohet struktura e mundshme e financimit	- Kontributi i bashkive për hartimin e Planit - Kontributi i bashkive për hartimin e Studimit të Fizibilitetit - Pjesëmarrja dhe kontributi i sektorit jo-formal në tryezat përkatëse të punës - Studimi i Fizibilitetit	- R: Rezistencë e sektorit jo-formal për të marrë pjesë në procesin e hartimit të Planit Rajonal për MMN
Komponenti 3: Rritja e ndërgjegjësimit dhe Informimi i Publikut Nis të rënjoset sjellja miqësore ndaj mjedisit dhe fillimi i ndryshimit të qëndrimit mes qytetarëve dhe vendim marrësve të Qarkut të Beratit	- Ndërgjegjësimi i qytetarëve në lidhje me sjelljen në përgjithësi për MMN dhe në veçanti praktikave të reja (ndarja e mbetjeve, riciklimi) - Ndikimi i fushatave të ndërgjegjësimit	- Kërkime më lidhje me qëndrimin dhe sjelljen ndaj shërbimeve MMN dhe mbrojtjes së mjedisit - Kërkime mbi efektin fushatave të ndërgjegjësimit dhe informimit të publikut (krijimi i shprehive, mirëkuptimi i çështjeve të mjedisit)	- S: Berati, si qytet me numër të madh të popullsisë me moshë të re, ofron një mundësi të madhe për zbatimin e një fushate novatore ndërgjegjësimi dhe edukimi, ashtu si dhe veprimtari vullnetare për pastrimin, ndarjen dhe mbledhjen e mbetjeve.
Komponenti 4: Projektimi dhe Zbatimi i Masave Afat-shkurtra (Masave pa keqardhje) Zbatimi i Masave Afat Shkurtra mbështet reduktimin e dëmit në mjedis në Qarkun e Beratit dhe jep kontribut në Zbatimin e Planit Rajonal të MMN.	- Reduktimi i numrit të "pikave/vendeve të hedhjes kritike" - Pranimi nga popullata i Masave Afat Shkurtra	- Kërkime për perceptimin e shërbimeve të MMN - Kërkime mbi Masat Afat Shkurtra	- S: Autoritetet bashkiake të Beratit tregojnë pronësi të fortë të kontributit vendor prej 20% në komponentin 4 të projektit në fjalë
Përfundimi Komponenti 1: Mbështetje për Zhvillimin	Treguesit e Përfundimit - Analiza e grupeve të interesit	- Disponueshmëria e analizës së	

Strategjia e Ndërhyrjes	Treguesit Kyç të Performancës	Mjetet e Verifikimit	Faktorët e Jashtëm (Supozime/S / Risqe /R)
Institucional dhe të Kapaciteteve Identifikimi i nevojave për Zhvillim Kapacitetesh; Përcaktimi dhe zbatimi i Masave për Zhvillimin e Kapaciteteve. Analiza e kontekstit vendor të sektorit të MMN-së ofron të gjithë elementët e nevojshëm për hartimin e Planit Rajonal të MMN, për Studimin e Fizibilitetit dhe për përcaktimin e masave për zhvillimin organizativ.	- Strategjia e Zhvillimit të Kapaciteteve - Instrumentet përkatëse të monitorimit - Vlerat bazë dhe të synuara për treguesit kyç	grupeve të interesit, Vlerësimi të Nevojës për Kapacitete, Strategjisë së Zhvillimit të Kapaciteteve dhe Planit të Zbatimit - Instrumentet e monitorimit dhe trajnimi përkatës - Pjesëmarrja e stafit në trajnime - Kuadri i rezultateve	
Komponenti 2: Hartimi i Planit për Menaxhimin e Mbetjeve të ngurta dhe Studimit të Fizibilitetit Plani Rajonal për Menaxhimin e Mbetjeve hartohet dhe miratohet së bashku me grupet e interesit. Studimi i Fizibilitetit hartohet dhe miratohet së bashku me grupet e interesit	- Plani Rajonal MMN - Studimi i Fizibilitetit	- Dekretet e miratimit	- R: Mungesa e konsensusit mes bashkive në lidhje me Masat për Investimet Rajonale
Komponenti 3: Rritja e ndërgjegjësimi dhe Informimit të Publikut Hartimi dhe zbatimi i Strategjisë për Rritjen e Ndërgjegjësimi dhe Informimit të Publikut Realizimi efikas dhe i frytshëm i masave për rritjen e Ndërgjegjësimi dhe Informimin e Publikut	- Miratimi i strategjisë për rritjen e Ndërgjegjësimi dhe Informimin e Publikut - Masat për rritjen e Ndërgjegjësimi dhe Informimin e Publikut	- Kërkime mbi efektin e fushatave të Ndërgjegjësimi dhe Informimit të Publikut (krijimi i shprehive dhe të kuptuarit e çështjeve të mjedisit)	
Komponenti 4: Projektimi dhe Zbatimi i Masave Afat-shkurtra (Masave pa keqardhje) Identifikimi dhe zbatimi i Masave Afat Shkurtra.	- Plani i Masave Afat Shkurtra	- Masat Afat Shkurtra - Shqyrtimi i zbatimit të Masave Afat-shkurtra	

(Ky është një Plan Projekt i përkohshëm. Plani varet nga Fillimi i Projektit dhe gjetjet gjatë fazës fillestare)

[illegible]

Shtojca 4: Projekt Buxheti

Buxhet i përkohshëm. Përlogaritja e shpenzimeve përfshin edhe 20% e bashkëfinancimit nga burime shqiptare për Masat Afat Shkurtra (komponenti 4).

Komponenti	Shpenzimet përlogaritura (CHF) e	
Komponenti 1: Mbështetje Institucionale dhe Zhvillimi i Kapaciteteve		330'000
Shërbimet e Konsultimit kombëtar dhe ndërkombëtar (Komponenti. 1)	250'000	
Aktivitete, tryeza pune (logjistikë)	80'000	
Komponenti 2: Hartimi i Planit për Menaxhimin e Mbetjeve të ngurta dhe Studimit të Fizibilitetit		350'000
Shërbimet e Konsultimit kombëtar dhe ndërkombëtar (Komponenti. 2)	350.000	
Komponenti 3: Rritja e Ndërgjegjësimit dhe Informimit të Publikut		350'000
Masat për rritjen e Ndërgjegjësimit dhe të Informimit të Publikut	300'000	
Shërbimet e Konsultimit kombëtar dhe ndërkombëtar (Komponenti. 3)	50'000	
Komponenti 4: Masat Afat-Shkurtra (përfshihet bashkëfinancimi)		1'000'000
Masat Afat-shkurtra (për shembull: Rehabilitimi i Vend-Hedhjeve, Përmirësimi i grumbullimit të mbetjeve, Projekte pilot për ndarjen e mbetjeve dhe mbetjet e riciklueshme)	900'000 ²	
Shërbimet e Konsultimit kombëtar dhe ndërkombëtar (Komponenti. 4)	100'000	
Shpenzimet për Konsulentin(ët) kombëtar(ë) dhe ndërkombëtar(ë) (udhëtimi, zyra)		100'000
Fondi për rastet e paparashikuara		200'000
Vlerësimi i Projektit		50'000
Auditi Financiar		20'000
Shuma		2'400'000

Buxheti është subjekt i gjetjeve në fazën fillestar. Mund të ketë një lëvizje të lehtë të fondeve midis komponentëve.

² Kontributi i SECO: 700'000 CHF, kontributi i Bashkive Berat, Kuçovë, Ura Vajgurore, Poliçan dhe Çorovodë: 200'000 CHF.